



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Opvs De Iudiciis Divinis, Qvae Devs In Hoc Mvndo Exercet**

Accessit index concionatorius in omnes totius anni dies Dominicos &  
Festos, ab ipso Auctore confectus

**Stengel, Georg**

**Ingolstadii, 1651**

7. Salomonis per luxu[m] deprauatio.

**urn:nbn:de:hbz:466:1-45699**

ergo meruit? Quæ alienas libidines vltia est, suas auxit, donec data Medis & Persis, calamitatem geminavit. Tradita est Dei Ecclesia, sacerdotes, & Prophetæ, & Reges Babylonij, graviora delinquentibus, sed reducta illis interfectis. Africa à crudelissimis barbarorum capta est, Wandalis nimirum, secta Arianis, scilicet vitia immanissimis. Nulla pars imperij sauiore experta est victores. Causam vis nosse? Saluianum audi: *Vitij alijs ceteras gentes, impudicitia seipsam vicit. Ac primum vt de impuritate dicamus, quis nescit, Africam totam obscenjs libidinum tedijs semper arsisse? non vt terram ac sedem hominum, sed vt Aetnam putes impudicarum flammaram fuisse. Nam sicut Aetna intestinis quibusdam natura fermentis ardoribus, sic illa abominandis iugiter fornicationum ignibus assuauit. Ac rursus: Quid ergo impudicitia atque impuritas, de qua loquor, numquid non ad euerisionem Afrorum sola sufficeret? Idem de Romanis à Paulo deploratum ait; idem de Gallis præcipue Aquitanis queritur. Ab his Germania, aliaque nationes exemplum sumant, ne eorum vitia imitentur, quorum supplicia exhorrescunt. Sed hæc de Dauidis regis & peccatis & bellis satis.*

## VII.

Dauidi successit in regno Salomon, rex Hebræorum tertius, qui cum diuina sapientia, qua supra omnes mortales eminebat, diuitias, potentiam, gloriam & bonorum omnium copiam acceperat, longa etiam pace præ reliquis illius populi regibus cumulatus, templum à Dauide patre destinatum magnificentissime edificarat instruxeratque, in cuius dedicatione boum xx. ouium C. millia eoq; amplius immolarat. Insuper ob egregiam sapientia famam donis regum ac nationum egregie cultus lætissimam Palæstinæ pacem, rerumque omnium abundantiam & pepererat, & confirmarat. Sed illum quoque res nimium secundæ pessum dederunt. Nam ad extremum otij & bonorum copia tantum virum sui dissimillimum fecit, sapientiam in amentiam vertente luxurie. *Ille omnium mortalium sapientissimus, vxoribus Dcc. concubinis CCC. usq; alienigenis impleuit regiam. Ab his iam senex perducitur ad cultum Deorum, aris quidem, ac templis dicatis. Vsq; est difficile est amare ac sapere etiam sapienti. Ergo iratus Deus per vatem præsignificauit fore, eius vt regnum distraberetur. Itaque anno regni sui & L. moriens, Roboam filium reliquit regni labantis heredem. Cura enim*

Saluian. lib.  
7. de prouid.

Herat, Tur-  
felli in Epi-  
tom. hist. Io-  
seph. lib. 8.  
Antiq.

enim mulierum amoribus ita deditus deprauatusque esset, vt in earum gratiam idolorum cultui se penitus manciparet, in vltionem tanti sceleris, diuina iusticia vinctaque, statim illo e viuis sublato, scidit regnum ipsius, decem tribubus ad Ieroboam translatis, & duabus tantum filio Salomonis Roboamo relictis. Quanto cum gemitu dicit Scriptura: *Et auerterunt mulieres cor eius? tam sapientis? tam pacifici? & quod plus est, iam senis? Cumq; iam esset senex deprauatum est cor eius, ait sacra historia, per mulieres, vt sequeretur deos alienos.* 3. Reg. xi. 3.

Quid non possunt feminae? quid non poterunt apud insipientes? apud ebriosos, apud iuuenes? in ea ciuitate, cuius nulla pars est non plena sordibus? vbi ferè nulla platea, aut semita non est lustrum? vbi pænè omnia compita, omnes viae aut quasi foueae libidinum, aut quasi retia meretricum; vt etiam casti, & qui ab hac re penitus abhorrent, tamen euadere vix possint? Latorum quodammodo excubias videres, commeantium viatorum spolia captantes; aues illices, quae blanditiarum frequentium multitudine ita omnes admodum calles, omnes anfractus ac diuerticula occupassent, vt nullus fermè tam cautus sit, qui non in aliquos insidiarum laqueos incurrat, etiam qui se de plurimis expediuit. Hinc tot ruinae. Hinc animi tam efferati, vt aures ad omnem pietatem obturent; vt poenitentiam omnem exhorrescant, vt misericordiam Dei propellant, vindictam prouocent; bella & hostes excitent; & alios quoque, qui pro illis preces fundunt, impediunt. Clamor luxuriantium obtundit voces orantium. Ad talem ciuitatem, aut populum, aut prouinciam ait Dominus: *Super quo propitius tibi esse potero? filij tui dereliquerunt me, & jurant in his, qui non sunt dij: saturant eos, & mœchati sunt, & in domo meretricis luxuriabantur. Equi amatores & emissarij facti sunt: vnusquisq; ad uxorem proximi sui binniebat. Numquid super his non visitabo, dicit Dominus? & in gente tali non ulciscetur anima mea?* Ierem. 7. 7.

VIII.

IX.

Miseret me istorum iuuenum, quos cum aetas, cum sanguis feruidus, cum otium ad talia alliciat; etiam insuper impellit ipsa procacitas & impudentia, immò fraudulentia feminarum, quorum malitia tanta est, vt dicatur etiam ipsorum cacodæmonum astutias

T t t

astutias